



Reglugerð um fjáraflanir iðkenda félagsins.

Þar sem allar fjáraflanir og meðferð fjármuna eru á ábyrgð aðalstjórnar Umf. Sindra og stjórnar viðkomandi deildar er nauðsynlegt að vel sé vandað til ákvarðana um fjáraflanir. Iðkendur og forráðamenn þeirra séu vel upplýstir um fyrirhugað verkefni, kostnað þess og að áætlaðar fjáraflanir sem er áætlað að félagið standi straum af kostnaði hafi skýrar reglur í gildi um meðferð fjármuna.

Sérstaklega skal gætt að því að óheimilt er að binda fjárskuldbindingar í nafni félagsins eða deilda þess, nema fyrir liggja samþykki viðkomandi stjórnar og ef deild eða unglingaráð leggur fjármagn til verkefnisins skal vera gert ráð fyrir því í fjárhagsáætlun eða með sérstakri fjáröflun.

Óheimilt er að taka upp fjáröflun sem hefð er fyrir að annar aðili innan félagsins stundi, nema með samþykki framkvæmdastjóra félagsins. Þetta ákvæði á þó ekki við um sölustarfsemi til almennings, áheita sem tengjast viðkomandi íþróttagrein eða útgáfustarfsemi. Komi upp vafi hér um skal leita úrskurðar aðalstjórnar Umf. Sindra.

Ofangreindu til viðbótar gilda eftirfarandi vinnureglur:

1. Fjáraflanir einstakra hópa skulu vera á vegum viðkomandi foreldraráðs eða iðkenda sjálfra, ef þeir eru 18 ára eða eldri. Áður en ráðist er í fjáröflun skal viðkomandi hópur eða foreldraráð ákveða hvaða einstaklingar eru ábyrgðarmenn fjáröflunarinnar og skulu þeir koma fram fyrir hönd hópsins.
2. Áður en ráðist er í fjáröflun á vegum félagsins eða einstakra hópa innan félagsins skal skila inn til framkvæmdastjóra upplýsingum um fjáröflun þar sem komi samþykki viðkomandi stjórnar eða unglingaráðs eftir því sem við á.
3. Samhliða samþykki stjórnar deildar eða unglingaráðs skal liggja fyrir hvort og þá að hve miklu leyti deildin eða unglingaráðið leggur fjármagn til viðkomandi verkefnis, svo sem með því að kosta þjálfara og/eða fararstjóra.
4. Allir einstaklingar sem afla fjár til starfsemi Umf. Sindra, deilda þess, unglingaráða eða hópa skulu við fjáraflanir alltaf vera merktir félaginu og gefa upplýsingar fyrir hvern og til hvaða verkefnis fjársins er aflað.
5. Ábyrgðarmaður fjáröflunar skal tilkynna til skrifstofu Umf. Sindra um fyrirhugaða fjáröflun, hvers eðlis hún er og hvenær hún mun fara fram.
6. Allir reikningar skulu skráðir á viðkomandi aðila innan Umf. Sindra, þ.e. aðalstjórn, deild eða unglingaráð og skal gjaldkeri þess aðila hafa yfirumsjón með meðferð fjármuna, bókhaldi og uppgjöri sem skal vera hluti af ársreikningi viðkomandi deildar eða unglingaráðs.

7. Áður en endanleg ákvörðun er tekin um verkefni og fjáröflun skal liggja fyrir skrifleg skuldbinding viðkomandi einstaklings eða forráðamanns hans um heimild til ferðarinnar og um greiðslu kostnaðar. Í slíkri skuldbindingu skal koma fram endanleg tímasetning og áætlaður kostnaður á hvern einstakling. Þar skal einnig koma fram ef viðvera foreldra eða annars ábyrgðarmanns er forsenda fyrir að viðkomandi iðkandi geti tekið þátt í verkefninu, og þá skuldbinding þar að lútandi.

8. Sé um ferð að ræða skal liggja fyrir hverjir verða ábyrgðarmenn hópsins, fararstjórar, þjálfarar og aðrir sem bera ábyrgð á hópnum frá upphafi til loka ferðar.

9. Fyrir fram skal liggja fyrir hvernig ágóða af fjáröflun verði varið, þar á meðal hvort ágóði rennur í sameiginlegan sjóð og/eða verði merktur viðkomandi einstaklingi.

10. Fjáröflun á vegum Umf. Sindra, deilda eða einstakra hópa innan félagsins miðast við að standa straum af beinum kostnaði vegna viðkomandi viðburðar, svo sem beinum ferða- og dvalarkostnaði, ásamt kostnaði við þátttöku í viðburðum sem skipulagðir eru sem hluti af viðkomandi ferð. Þannig er ekki gert ráð fyrir að þátttakendur geti með fjáröflun í nafni félagsins aflað sér fjármuna umfram beinan kostnað.

11. Meginreglan er að einstaklingar geta ekki fengið endurgreitt það sem safnast hefur þótt viðkomandi hætti við að taka þátt í þeim viðburði sem safnað er fyrir. Í slíkum tilvikum rennur fé sem merkt var viðkomandi einstaklingi í sameiginlegan sjóð. Ef einstaklingur hættir æfingum og þar með þátttöku í starfi viðkomandi deildar þá gildir sú regla að það fé sem hann hefur safnað rennur í sameiginlegan sjóð verkefnisins. Mikilvægt er að allir séu upplýstir um þessa meginreglu áður en fjáröflun hefst.

12. Ef afgangur verður af fjáröflun skal hann renna óskiptur til viðkomandi unglingaráðs eða deildar. Óheimilt er að greiða út ágóða eftir á. Í þeim tilvikum þegar um söfnun ákveðinna árganga er að ræða má færa afgang á milli ára og nýtist hann þá viðkomandi hópi í næstu fjáröflun.



Við erum í liði Sindra...



Stutt samantekt um fjáraflanir

- Vanda vel til ákvarðana svo allir séu vel upplýstir um fyrirhugað verkefni og þær reglu sem gilda.
- Fá samþykki stjórnar deildar eða unglingaráðs.
- Megin reglan er sú að óheimilt er að taka upp fjáröflun sem hefð er fyrir að annar aðili innan félagsins stundi.
- Ákveða hvaða einstaklingar eru ábyrgðarmenn fjáröflunarinnar, fararstjórar, þjálfarar og hverjir koma fram fyrir hönd hópsins.
- Hafa á hreinu þátttöku stjórnar deildar/unglingaráðs t.d. varðandi kostnað vegna þjálfara og/eða fararstjóra.
- Vera merktur félaginu þegar fjáröflun fer fram.
- Allir reikningar vegna söfnunar skulu skráðir og lykiltölur vera hluti af ársreikningi viðkomandi deildar.
- Skrifleg skuldbinding einstaklings eða forráðamanns um heimild til ferðarinnar, greiðslu kostnaðar eða skuldbindandi þátttöku í fjáröfluninni.
- Ákveða fyrir fram hvernig ágóða af fjáröflun verði varið, þar á meðal hvort ágóði rennur í sameiginlegan sjóð og/eða verði merktur viðkomandi einstaklingi.
- Fjáröflun á einungis að standa straum af beinum kostnaði vegna viðkomandi viðburðar, svo sem beinum ferða- og dvalarkostnaði, ásamt kostnaði við þátttöku í viðburðum sem skipulagðir eru sem hluti af viðkomandi ferð.
- Ekki gert ráð fyrir að þátttakendur geti með fjáröflun í nafni félagsins aflað sér fjármuna umfram beinan kostnað verkefnis.

- Meginreglan er sú að einstaklingar geta ekki fengið endurgreitt það sem safnast hefur þótt viðkomandi hætti við að taka þátt í þeim viðburði sem safnað er fyrir. Mikilvægt að allir séu upplýstir áður en fjáröflun hefst.

- Ef einstaklingur hættir æfingum og þar með þátttöku í starfi viðkomandi deildar þá gildir sú regla að það fé sem hann hefur safnað rennur í sameiginlegan sjóð verkefnisins.

- Ef afgangur verður af fjáröflun skal hann renna óskiptur til viðkomandi unglingsráðs eða deildar. Óheimilt er að greiða út ágóða eftir á.

- Í þeim tilvikum þegar um söfnun ákveðinna árganga er að ræða má færa afgang á milli ára og nýtist hann þá viðkomandi hópi í næstu fjáröflun.



Við erum í liði Sindra...